

The Makuilongdi Express

Liangmai Daily Newspaper

“Mazibo niu ngamne”



Thaimien luan 3bo Barak festival Khabung Karong ga tadkiujiu bambo nai nchamjiu mahpui (Miss) kadabo ruangga aliu Liangmai liu Riliu Thonjiliu Pamai, Nallong nam ga suniu 1st Runner up hai doulu mide chiujiu dinne.



Takum 75 christian thiu tang lubo gu (Platinum Jubilee) changee aram Bena Nguang (Thonglang Atongba) Baptist Church LNBA (M) gu tienrang tadkiujiu bambo ga naamai dungniu chalen lembambo meng.

Zengtung 13 Chakehiu 2022 Machanai Chiang PO Tamei ,Tml. Dist. Manipur Vol.01. Issue 42 page 1

Ka-nbaibo kapingbo hina gasu, khatdi shaisuibo charapot kasukbo gasu, paniu natu gukhai bine. Tathoilui 91:3.

Manipur gu thiujuu Tamenglong ga tadkiu rabo Komla (Orange) ngee leng jengniu kadenmak kasa kakeng kaden wangloi jiu bam mide.

India nai China namrai lam ga kabuabuak bambo wan ga IAF niu aircraft thin alijiu kaden bam ra sen pad mide.

Tamenglong town hai zengtung 15 nai MGNREGS gu rangkang pipad makbo zengniu total shutdown kam raye.



(Photo: IFP)


Cha. 14: Wangkinbo Chakehiu zengtung 17-18 ga tadkiu rabo komla (orange) ngee lengjeng gasu Tamenglong town hai pui-kapha kasiam mak kasa hinang sibo mahga nangra kasiam hajiu bam mide chiujiu dinne. Concern department dungtu tou aruang lujiu tienmak kasabo hinang di MLA Janghemlung Panmei niu direction pijiu changam hai tanjiu tadkiu

bam mide.Tamenglong gu DC tudi changam hai pawan lung ga loi ngam ra leng su majatjiu changam hai tadkiu khaira dinsan khaijiu bam mide.Tingkum machang Tamenglong district headquater gahai Manipur gu thiujuu orange festival hai Chakehiu ga tadkiu -kiujiu bambo we. Haileng jengniu hotel chabam tazi di kaden mak kasa hinang kaden khaijiu bam mibo we.

Cha. 14: Indian Air Force niu Tepur, Chhabua, Jorhat Assam khat di Hashimara West Bengal, hai bo nidkak ga paliu gu aircraft si kaden jiu khat di Charimai tu pi alii khai jiu pawan machang maring marak jiu bam tan tan ra ye tiu jiu din pad mide tiu jiu news agency ANI niu din ne.

Cha. 14: Chairman khatdi Secretaries Association Tamenglong (CSAT) nai Village Authority Chairmen’s Council (VACC) niu wangkinbo chakehiu zengtung 15 nai sai government niu job card gu rangkang pipad makbo tu suini makbo gu thiujuu Tamenglong Town hai total shutdown thiura ye chiujiu tachamga pisi khai mide.Haibo total shutdown hai nsuan wanchak 6 am gasu 8 am katang tadkiu raye chiujiu CSAT gu president Makiujeiyang Gangmai khatdi VACC gu president Athanbou Pamai niu tacham ga dinne, sijengniu maidiu-maidamai dungdi haibo shutdown haitu chakhuang thiukhai ra sisan khai mide. MGNREGS gu rangkang hai Orange Festival maga pipadra memorendum pikhai mibo we chiudi tuhoi katang kenkak makbo donniu tadkiu bamboi chiujiu dinne. Haibo shutdown tadkiu bambo lungga medical, electricity, fire brigade khatdi PHED dung tura kham lakge. Wakhatjiu shutdown lungga chakhon-chara padnang sai government niu pasuk-parit lura ye chiujiu CSAT nai VACC gu tacham ga dinne.

North Eastern Council (NEC) gu golden jubilee changee ga Prime Minister Narendra Modi Megyalaya ga wangbo sui ye.



Cha. 14: Wangkinbo Chakehiu zengtung 18 ga North Eastern Council (NEC) gu Golden Jubilee changee tadkiu rabo changee ga India gu Prime Minister Narendra Modi di wangjiu padam lubo suiye chiujiu tacham ga dinne. Paniu haibo ngee ga wangjiu tadi wanchak nia ri nkiu lakge chiujiu dinne, wangjiu

padam lukhai lujiu Shillong ga bambo IIM di visits thiu tazut raye chiujiu dinne. Prime Minister wangrabo jengniu security kaden mak kasa hina di kaden sujiu bam mide chiuju dinne. Paniu wang lujiu wanchak nia kumbo bamkhai lujiu tienmak kasa hina tienkhai lujiu Delhi malan misune chiujiu tacham ga dinne.

Champou niu din jiu hai bon gam kam si pawan katheng marang wang mibo ngam me , hai bon gam si ndaanai Arunachal pradesh Tawang ramjeng ga kabuakbo nai wadi pariang ha ye tiu jiu senpad mide. contd. in p.2

Karingting Lunlung




Kaluchun world cup phuibo ga amun tan mak bamniu sai I tuhoi haichiu chariu lakge ja! Mathaku Croatia don ponbo ganiu we. Sitia!

Chamai khatgu ringting haise pagu machunbo maningniu macha bowe.

Editorial

Tingwang gu bensiam aliu chamaina hai pagu-pagu ningting maksai kamsi tamkamme sironna makjiu pagu-pagu machun tamkam me. Tingwang niu pikhaibo kalen maisuang habo kalen hai aliu thinpiu simakbo gasu aliu ronna aliu tu kam mathat khaibo wandi kengjiu douwe. Aliu khulam ra haikumbo matad makjiu mathiusi chaki-chalu maksai ariak chiujiu bamkhat ga maluibo jengniu kawidi doumak kasa di kamsi mak chiujiu lung bamme. Siniu aliu zatdi namai chabon maigu luni maksai masen phuilujiu jukhai sai aliu zatdi pake hina ga machangjiu lungjiu azat zandi sichia khai suibo n-pui bamme.

Mathen Cham



Thaimien World Cup mathen kiujiu bambo ga semi-final ga Argentina nai Croatia mathenjiu Argentina niu 3-0 ga ngamjiu Final ngut mide. Paniabo ga France nai Morocco mathen jiu France niu ngamjiu Final ngutjiu final Chakehiu zengtung 18 nai final mathen kiu sunne. World Cup hai country 32 niu mathen kiu boga Argentina nai France niu final khangjiu bambo we. France hai tadmibo 2018 gadi champion lujiu bambo kadhi ye. Third place leng Croatia nai Morocco hai mathen sune.

Chalad N-buong

Chinese = Khakhimai
Meiteis = Makimai
Tangkul = Aliwmai
Rongmai = Maruangmai
Kukis = Khongsai/
Khungchaimai
Taripuris = Takhenmai
Mizos = Nkawmai

OFFICE OF THE LIANGMAI SPORTS ASSOCIATION (LSA)

Assam, Manipur & Nagaland

Head office: Tamei Headquarter, Manipur.

Branch Office: Tening Town, Nagaland
: Kanglatongbi, Manipur

Regd. 5673/84

Email : lsaamn1982@gmail.com

Website : www.liangmaisportsassociation.org

PISIKHAIBO

11th Dec.2022

Hainiu, Luan 27th Sports Meet 2023, Liangmai Sports Association (Assam, Manipur & Nagaland) niu marang khaibo mathen ga jou raleng Team Registered thiukhai mibo nam hina khu kungjiu sikhai ye.

Chiubora, thai mien wangkinbo mathen ga nam dung jou raleng Team Registered thiukhailu, Fixtere ga Team zan padmi, chiulu jiu Tournameng tingmik ga wanglu mak misai sibo Team situ ra Executive Meeting Zengtung 29th July, 2022 gu ladbam sai suiuiu, LSA Sports Meet luan sum (3) pijou lak mine chiubo chamsi madupad khai ye.

Thonkiu we.

Yours

Sd/-

(HUKHIABOU DAILIAM)

Games & Sports secy.

Liangmai Sports Association

Assam, Manipur & Nagaland



GOOD NEWS FOR WEDDING PLANNER.

WEDDING GOWN (SET)

Dresses for flower girls and party dress

BRIDESMAID DRESSES

We specializes in all these items, provides decoration item for hiring

At B.S Wedding Gown & wedding
Planner
MBC LYDYA Shopping Complex, opp
College, Imphal

Pahang ga pikhaibambo phone
number ga alam sai paman
malabo lihga daolu bui ye

Contact: 9862105037 / 8787799600



Kadihpiri ga football mathenbo ga pazan tadjiu bambo Argentina maina Lionel Messi hai thaikum gu World Cup ga mathen khaibo sinu paleng kanam thubo world cup mathen thiumi sune chiujiu din pad mide. Pahai Argentina gu kadhi leng paluan mangiu world cup mathen khaimi bowe. Thaimien di panu captain thiujui semi-final ga Croatia tu 3-0 ga ngamjiu Final khangjiu France maksai Morocco kangam-ngam maitu final mathen ra khonjiu bammi bowe. Chakehiu zengtung 18 nai final mathen kiu rabowe.

India nai China namrai lam ga kabuabuak...

contd. from p.1

Defence Minister Rajnath Singh niu machanai 9 Chakehiu ga India nai China niu namrai lamga khat-khattu aman mak jiu Jangtse Arunachal Pradesh's ga kabuak bog a India mai gu chariimai niu tan hujiu khat di maikhat gu karingting kam maha mak jiu India gu namrai kam kali bo sui mak ge tiu jiu atung bo don niu Chinamai gu Charimai ajam thiu niu bo kengkha pad mibo don niu paliu malan lan mi bo we tiu jiu sen pad khai mide, inkiu jiu Chinamai tu India Territorial integrity in pasai kana kam kabuak lan bo suimak ge tiu jiu din khai mide.

Mathiu khuga khengkhai lanbo.

The Makuilongdi Express hai lingsu lanbo pawan theng makhabo jengniu aliu khuga palungga wangtang lakbo wajiu di douba bamme, sijengniu pakak-kak padsouwe chiujiu maning mou khaidu zanlo. Naliugu advice kawibo nai nkha penniu makum gen pad misai aliudi kangam katang matan ra chiujiu kaden bamme. Thaikum leng thiujui Chakehiu zengtung 20 katang publish thiune. Pakak khat Christmas nai New Year gu mathak khai lujiu takum kasan gen lamsu panu-panu kangambo sotga nkha cham khaijiu mathiu karam chamkhe.